

O‘zaro hamkorlik aloqalari bo‘yicha
SHARTNOMA № 7/2-03-15

Tashkent shahri

2021-yil “ 7 ” sentabr

O‘zbekiston Respublikasi Prezidentining “O‘zbekiston Respublikasi oliy ta‘lim tizimini 2030-yilgacha rivojlantirish konsepsiyasini tasdiqlash to‘g‘risida” 2019-yil 8-oktyabrdagi PF–5847-son Farmoni hamda O‘zbekiston Respublikasi Prezidentining 2021-yil 16-iyundagi “Oliy ta‘lim sohasidagi islohotlar natijadorligi hamda yangi o‘quv yiliga tayyorgarlik jarayonlari to‘g‘risida” o‘tkazilgan videoselektor yig‘ilishi 34-sonli bayoni ijrosini ta‘minlash maqsadida bir tomondan Toshkent davlat yuridik universiteti (keyingi o‘rinlarda - Universitet) nomidan O‘zbekiston Respublikasi adliya vazirining 2021-yil 5-iyuldagi № 441-sht-buyrug‘i asosida ish yurituvchi rektor v.v.b. Rustambekov Islambek Rustambekovich, ikkinchi tomondan O‘zbekiston iste‘molchilar huquqlarini himoya qilish jamiyatlari federatsiyasi raisi Sarimsoqov Jahongir Toshpulotovich o‘rtasida o‘zaro hamkorlik aloqalari bo‘yicha shartnoma tuzildi.

1. Umumiy qoidalar

Yurisprudensiya sohasida oliy ma‘lumotli mutaxassislarni tayyorlash sifatini oshirish hamda Universitetning Federatsiya bilan o‘zaro hamkorligini rivojlantirish orqali yuqori malakali raqobatbardosh kadrlar tayyorlash maqsadida quyidagi yo‘nalishlarda hamkorlik amalga oshiriladi:

1.1. Universitetning ixtisoslik kafedrasini – Fuqarolik huquqi kafedrasini (keyingi o‘rinlarda - Kafedra) hamda Federatsiyaning o‘zaro samarali hamkorligini yo‘lga qo‘yish.

1.2. Federatsiyaning mutaxassislarni tayyorlash sifatiga bo‘lgan talablarini bevosita inobatga olgan holda ta‘lim mazmunini shakllantirishda Kafedra professor-o‘qituvchilari tomonidan tizimli o‘rganib borilishini tashkil etish maqsadida ularning Federatsiya va uning xorijiy hamkorlari tizimida stajirovkalar o‘tashini joriy qilish.

1.3. Rivojlangan xorijiy davlatlarning eng ilg‘or tajribasini o‘rgangan holda hamda Federatsiyaning mutaxassislarga bo‘lgan talabidan kelib chiqqan holda o‘quv rejalari, fan dasturlari, o‘quv adabiyotlari, shu jumladan o‘quv-metodik komplekslarni xalqaro standartlar asosida, zamonaviy, mutlaqo yangi talablar asosida ishlab chiqilishi va bosqichma-bosqich joriy etilishini tashkil qilishni o‘zaro hamkorlikda amalga oshirish.

1.4. Hamkorlikda Federatsiyaning istiqbolli rivojlantirish dasturini hisobga olib, oliy malakali kadrlarga bo‘lgan ehtiyojini yillar kesimida aniq manzilli, ta‘lim yo‘nalishi hamda mutaxassisligini ko‘rsatgan holda, aniq balans beradigan hisob-kitoblar asosida ishlab chiqish.

1.5. Kafedraning ta‘lim yo‘nalishida zamonaviy axborot-kommunikatsion texnologiyalari asosida ilmiy-tadqiqot ishlarini hamkorlikda bajarish va qo‘llash.

1.6. Federatsiyaning iste‘molchilar huquqlarini himoya qilish sohasidagi muammolarini o‘rganish va ularning yechimi bo‘yicha ilmiy hamda amaliy takliflar ishlab chiqish. Ilmiy maqolalar tayyorlash va ularni nashr qilish.

1.7. Hamkorlikda seminarlar, davra suxbati, konferensiyalar o‘tkazish.

1.8. Hamkorlikda darslik, o‘quv qo‘llanma, risolalar yozish.

1.9. Federatsiyada talabalar amaliy mashg‘ulotlarini, ularning amaliyotini tashkil etish hamda bo‘sh ish o‘rinlariga bitiruvchilarni ishga joylashtirish choralari ko‘rish.

1.10. Kafedra professor-o‘qituvchilarining Federatsiyada amaliy tadqiqotlar o‘tkazishiga sharoit yaratib berish.

1.11. Federatsiyaning tegishli xodimlari tomonidan kafedra bitiruvchilarini tanlov asosida ularni amaliyotga va ishga qabul qilish bo‘yicha tizimli ishlarni yo‘lga qo‘yish.

1.12. Hamkorlikda kafedraning istiqbolli rivojlantirish dasturlarini ishlab chiqish.

1.13. Professor-o‘qituvchilarning amalga oshiradigan ilmiy-tadqiqotlarini tijoratlashtirishda hamkorlik qilish.

1.14. Mazkur shartnomaning tuzilishi va undagi shartlarning bajarilishi Universitet va Federatsiya o'rtasida tuziladigan o'zaro manfaatli boshqa shartnomalarga zid bo'lmasligi shart.

2. O'zaro hamkorlik bo'yicha Kafedraning vazifalari

2.1. Kafedraning sohaga oid ta'lim yo'nalishidagi har bir talabasini 2-kursdan boshlab Federatsiyada malakaviy amaliyotlarni tizimli ravishda o'tkazilishini hamda ixtisoslik fanlarining amaliy mashg'ulotlarini bevosita tashkillashtirish.

2.2. Kafedraning soha mutaxassisligi bo'yicha bitiruvchilarini Federatsiyaga ishga joylashtirish bo'yicha aniq choralar ishlab chiqish.

2.3. Ilm-fan va ta'lim o'rtasida integratsiyani chuqurlashtirish maqsadida Federatsiyaga tegishli ilmiy-texnik rivojlantirish yo'nalishlari muammolari mavzulari bazasini shakllantirishda ishtirok etish.

2.4. Federatsiyaning ilmiy-texnik rivojlantirish muammolarini Kafedra bilan xo'jalik shartnomalarini tuzgan holda amalga oshirish, xo'jalik shartnomalarini bajarish ishlariga doktorantlar, magistrantlar va iqtidorli talaba yoshlardan iborat tadqiqotchilarni tizimli ravishda jalb qilishni tashkil etish.

2.5. Kafedra professor-o'qituvchilari, ilmiy xodimlari va talabalari bilan Federatsiyaga oid yangiliklar, rivojlantirish istiqbollari, ta'lim mazmunini takomillashtirish, ilmiy-tadqiqot ishlarini rivojlantirish va kelgusidagi vazifalarni belgilab olish yuzasidan uchrashuvlar o'tkazib borishni amalga oshirish.

2.6. Kafedra qoshida oliy ta'lim, ilm-fan o'rtasidagi innovatsion korporativ hamkorlik guruhlarini shakllantirish.

2.7. O'quv materiallarini Kafedraning istiqbolli vazifalari va muammolari asosida yangilash va boyitib borish.

2.8. Federatsiya amaliyotchi xodimlarini bitiruvchilarning yakuniy davlat attestatsiyalarida ishtirok etishi uchun sharoit yaratish.

2.9. Talabalarni ish joylariga dastlabki taqsimlashni bitiruvchi kurs so'ngida emas, balki mos ravishda ikkinchi va uchinchi kursda tahsil olayotgan davrda o'tkazish va barcha turdagi amaliyotlarni Federatsiyada o'tashini yo'lga qo'yish.

3. O'zaro hamkorlik bo'yicha Federatsiyaning vazifalari

3.1. Kafedraning ta'lim yo'nalishidagi har bir talabaning 2-kursdan boshlab Federatsiyada malakaviy amaliyotlarni tizimli ravishda o'tkazilishiga ko'maklashish va ixtisoslik fanlarining amaliy mashg'ulotlarini bevosita ishlab chiqarishda tashkillashtirishga sharoit yaratish, sohaga mos ta'lim yo'nalishlari mutaxassisliklari bo'yicha bitiruvchilarni ishga joylashtirish bo'yicha aniq choralar ko'rish.

3.2. Ishlab chiqarish, ilm-fan va ta'lim o'rtasida integratsiyani chuqurlashtirish maqsadida Federatsiyaga tegishli ilmiy-texnik rivojlantirish yo'nalishlari muammolari mavzulari bazasini shakllantirishda ko'maklashish.

3.3. Federatsiyaga tegishli ilmiy-texnik rivojlantirish yo'nalishlari muammolari bo'yicha Universitet bilan xo'jalik shartnomalarini tuzish.

3.4. Kafedra professor-o'qituvchilari, ilmiy xodimlari va talabalari bilan Federatsiyaga oid yangiliklar, rivojlantirish istiqbollari, ta'lim mazmunini takomillashtirish, ilmiy-tadqiqot ishlarini rivojlantirish va kelgusidagi vazifalarni belgilab olish yuzasidan uchrashuvlar o'tkazib borishga sharoit yaratish.

3.5. Talabalarning bitiruv malakaviy ishi va magistrlik dissertatsiyalari hamda kurs ishi va loyiha mavzularini shakllantirishda amaliy yordam berish, shart-sharoitlar yaratish.

3.6. Kafedra qoshida shakllantiriladigan oliy ta'lim, ilm-fan va ishlab chiqarish o'rtasidagi innovatsion korporativ guruhlariga yetuk mutaxassislarini birlashtirish.

3.7. Kafedra o'qituvchilarining Federatsiyada amaliy tadqiqotlar o'tkazishga sharoit yaratib berish.

3.8. Federatsiyaning mutaxassislar tayyorlash sifatiga bo'lgan talablarini tizimli o'rganib borilishini tashkil etish maqsadida stajirovkalarga kelgan Kafedra professor-o'qituvchilari uchun sharoitlar yaratib berish.

3.12. Ta'tillar davrida Kafedraga birlashtirilgan talabalarni Federatsiyada vaqtinchalik ish bilan ta'minlash.

3.13. Federatsiyadagi bo'sh vakant o'rinlarni malakali bitiruvchilar bilan to'ldirib borish.

3.14. Kafedra o'quv rejasida belgilangan malaka amaliyotlarini o'tash davrida talabalarga amaliyotchi maqomini berish va amaliyot davri davomida imkoniyat doirasida ish haqi to'lanadigan lavozimga ishga qabul qilish.

3.15. Universitet so'roviga asosan Federatsiya raisi va mutaxassislarini bitiruvchilarning yakuniy davlat attestatsiyalarida ishtirok etishini ta'minlash.

3.16. Talabalarga Federatsiya mas'ul xodimini birlashtirish, bunda birlashtirilgan xodim amaliyotchi bilan ishlash ko'nikmasiga ega bo'lishini ta'minlash, Federatsiyada amaliyotchidan unumli foydalanishni yo'lga qo'yish, amaliyotchilar uchun ish joyi va amaliyot davrida foydalanish uchun zaruriy materiallar ajratilishini tashkil etish.

4. Shartnomaning bajarilish muddati

4.1. Mazkur shartnoma imzolangan kundan boshlab **10 yil muddatga** amal qiladi.

4.2. Shartnomada ko'rsatilgan ishlarni to'liq va samarali bajarish uchun har o'quv yilida tadbirlar tuziladi va tasdiqlanadi.

4.3. Qo'shimcha kelishuv asosida bu shartnomaning muddati uzaytirilishi, o'zgarishi yoki bartaraf etilishi mumkin.

4.4. Shartnoma uch nusxada tuziladi va bir xil yuridik kuchga ega.

4.5. Mazkur shartnoma bo'yicha nizolar o'zaro muzokaralar orqali va qonunchilikda belgilangan tartibda amalga oshiriladi.

Toshkent davlat yuridik universiteti
rektori v.v.b.



I.R.Rustambekov

100047, Toshkent sh., Sayilgoh ko'chasi, 35.
Tel.: +99871 233-66-36

O'zbekiston iste'molchilar huquqlarini himoya
qilish jamiyatlari federatsiyasi raisi



J.T.Sarimsoqov

Toshkent sh., Islom karimov ko'chasi 55-uy
Tel.: +998 (71) 239-14-01